




05563

額粉奩集卷四



蕭山高第雲士著

精朱慶祺校

近游集

起戊辰九月
止己巳九月

新寒夜坐洗我蓬

心廬寄懷孫花海蝶園



渡江幾日蕭疎雨便有新寒
草堂醉後畱賓還縱飲
興來竟句欲成狂葉聲似拔風喧樹竹影多隨月上牆

遙憶碧山樓下客菊香琴韻伴相將

借雲壑柳湖坐一半勾畱處

秋老陂塘荷葉稀紅蜻蜒弱故飛日斜翠竹影穿屋

額粉奩集

卷四

一

風過白蘋香上衣小閣尚傳遺句在青山無恙昔人非
吾儕大有勾畱興得暇頻來此息機

南屏山觀米海嶽摩崖琴臺字

尋幽至南屏躡屐登巖岫遂入幽居洞窈窕穿雲竇木
老葉盡脫山秋石皆瘦不雨氣亦寒空翠撲襟袖琴臺
虎兒書筆勢蒼且秀不知何年鑿青入苔痕繡旁有涑
水書鬱律蛟龍走二公已千古遺墨山靈守我來聊小
憩摩挲欣既覲松風落四山恍若瑤琴奏

野步

野色含煙淨秋容過雨鮮夕陽歸晚渡老樹咽殘蟬意

適方爲樂心清卽是禪一聲漁笛起涼月在前川

夜過十二洋

雲水渺無際荒蘆聞雁聲大風林外急新月渡頭生地
僻心多警身孤夢易驚依依感柔櫓倚枕任宵征

德清道中

處處人家傍水居岸邊楓葉幾行疎一聲鶉軋出蘆際
知有小舟來賣魚

陸家漾遇風

陡覺顛風起重雲障夕暉聲因穿樹急勢似挾山威浪
忽長人立篷爲亂鳥飛維持憑一纜眞覺死生微

額粉奩集

卷四

二

喜汪繭菴夜過今醒齋

旅舍蕭條甚憐君忽夜投江湖雙鬢老風雨一燈秋獨
犬村前吠孤螢竹外流聯床話疇昔明日又扁舟

登吳羌山

崇岡鬱陵嶒躑躅行未已半空風雨來秋聲滿山起

宿乾元寺

精廬上與白雲平一榻岑樓夜氣清暫借圓蒲消世慮
更憐高枕聽溪聲月臨少室僧初定鐘過疎林鳥不驚
此際何須持半偈已教心地湛空明

山行

煙昏落日寒羣峰逼天峭荒徑斷行踪隔林聞虎嘯

秋夜清遠堂作

空階聞落葉旅館夜寒深客思三更月秋聲萬戶砧解
閒成小酌撥悶且孤吟遙憶高堂上應增念子心

朱醉園丈彈琵琶歌

醉園先生耽飲酒醉後琵琶不離手每於廣坐試一彈
嘆羨能令交衆口今秋偶宿清遠堂主人飲我紅霞觴
是時先生亦在座酒餘爲我揮清商始彈聲遲遲春風
宕漾飛游絲再彈聲淒切寒牕夜雨秋蕭瑟俄而雄將
軍叱咤虎嘯風天雲下垂海水立洪波翻倒蛟龍宮俄
額粉奩集

卷四

三

而急白草驚沙飛亂雪出塞羈臣聽笛悲守邊壯士聞
笳泣緩轉悠揚低按節一串驪珠指間撥明君馬上曲
未終司馬座中衫已濕年來我病苦多愁不覺聞之愁
轉失吁嗟乎上天廣樂那可聞世間絲竹徒紛紛今夕
聞君指下聲如耳韶濩眞不羣詩成請更彈一曲我歌

且有白樂天琵琶
行傳奇名四絃秋

蔣苔
生太

清溪竹枝詞

灼灼芙蕖映綠楊並頭花下宿鴛鴦生憎餘不溪中水
半入臨安半武康

虹橋渡頭秋草生
虹橋渡口秋水清
漁人釣罷放舟去
日暮野塘聞櫓聲

妾攜小艇採新荷
妾在溪邊唱櫓歌
妾似藕絲牽不斷
妾如蓮子苦心多

青天欲雨鳩相呼
青天欲雨鳩相呼
上闌下闌皆山名
雲模糊燭溪灣頭少

人過兩兩白鳥翻菰蒲

贈蔡松崖先生

八秩蔡明府騷壇仰典儀
八秩蔡明府騷壇仰典儀
學兼儒釋道才擅畫書詩
剪燭編能閱登山杖不支
清姿與華髮佇看到期頤

晚坐淪茗盦

額粉盦集

卷四

四

風景日夕佳蕭閒清興發
風景日夕佳蕭閒清興發
茅齋坐超然微雨晚初歇
好風池面來涼月竹間出
誰能物外游獨有忘機客

題鍾進士出獵射虎圖

老虺食鬼厭鬼瘦思入南山
老虺食鬼厭鬼瘦思入南山
啗奇獸統轄猙獰百鬼徒
阿鼻魍魎貌粗醜當其手
挽千鈞弩進士風流攝文武
令傳羣鬼方合圍突出斑
斑雪毛虎鬼前擊虎觸虎
悍虺然一聲鬼破膽瞪目
視虎畏虎噉張弧舉槊矜
勇敢何如老虺恣一擊殺
氣稜稜動秋色虎急負
囓攫不得一箭公然穿虎
臆羣鬼謹呼昇虎歸虎氣
腥臊血狼藉何人寫此妙
入神想見英姿橫筆格靈
畫善遯須隄防

珍重錦囊宜弄藏

過蓮印上人餘菴

東園多精廬此地最幽僻今我引興來步趨隨杖策上人多好懷烹茶勤欸客相邀入講堂譚禪霏玉屑推窗覽清景寓目情更適鳥語穿修篁池光動深樾東籬菊已闌餘英尚紅白愛彼竹下軒小坐更清絕簾開綠陰沉涼風拂床席不信囂塵中得此蕭閒宅勾留未忍去晚晚日已夕冷然疎磬聲萬念忽俱寂

曉登紫陽山頂

曉色尚冥濛來登第一峰煙埋千嶺樹霜冷五更鐘石額粉奩集

卷四

五

臯亭泛舟遊月明奩

西風吹我舟出郭漫浴沂臯亭清景佳幽賞得奇趣青山亘平畦紅葉隱官渡披披洲畔蘆汎汎水中鷺孤村背煙汀遠帆帶沙樹幽鳥時一啼聞聲不知處

籬灣歇鳴櫓來造招提境茅奩息世機小憇愛間靜盤煙怖鴿飛觸石流泉騁僧雛三兩人披髮纔覆頸爲我具伊蒲竹杪厨煙冷坐久塵思清妙意紛可領深林忽夕陽苔階落峰影傾耳一聲鐘月白古松頂

借秋水外舅游半畝居小石上人出觀羅兩峰觀

音大士及維摩尊者畫像

霜天快新晴涼颼爽人意閒陪杖履遊茅盦喜幽邃上人
意勤拳呼童理茶事爲我啟徹筍出示畫軸二一爲
大士身擐甲現戎帥合十騰金光本相空中示旁有龍
首神執圭謹隨侍面青睂髮赤猙獰令人惴似救苦海
人相將急奔詣一爲尊者容形狀古而異如伏深山中
苦修面顛頽隱几坐蒲團揮塵將說偈爐中焚妙香仿
彿梅檀氣緊誰貌此圖妙想出思議乃是兩峰翁虔摩
作檀施翁本老畫師丹青擅奇秘曾寫鬼趣圖變相極
阿鼻惜我未快觀對此益增思爲言宜珍藏妙畫得不
額粉盦集

卷四

六

易竊恐通靈飛先爲作詩記

得何春躔編修訃

瑣院聞家變言歸遽殞生一朝來惡耗五載隔神京死
尚畱餘痛身空負盛名九原思此禍多恐未分明
風雅推君最三生杜牧之開尊圍翠袖琢句寫烏絲明
月揚州夢梅花水部詩從今文酒地淒絕少心知

陳簫樓碧天秋思圖

碧天愁思倩誰傳雲淨長空月自圓一片秋心無覓處
請君爲鼓七條絃

憑欄俯視衆山青百尺高臺接杳冥許我同來登絕頂

朗吟詩與素娥聽

東楊西明

書記翩翩正少年劉安門下見楊權烏絲闌紙紅絲硯
自製新詞贈小蓮

落拓生涯病不支聊憑詞賦寫愁思盧前王後君家事
偏愛江湖散士詩

次韻陳二亭夢境詩情冊子

冰雪姿容瘦削身珊珊環珮步芳塵枝頭翠羽雙棲候
窺見君家夢裏春

三生何處定前身堪與師雄躡後塵掩卷不禁增悵惘

額粉奩集

卷四

七

可能分我一枝春

重撫天一閣北宋石鼓文歌呈阮芸臺中丞

我車既攻馬則同岐陽獵鼓鐫宣功太史臣籀筆畫工
小變蝌蚪殊雕蟲韓褒蘇頌偶折衷揚妙松雪碑玲瓏
雨淋日炙紛磨礱神護如待歐陽公手持玉尺噓春風
摩挲樂石追岐鄭重提周鼓叩逢逢球文炳煥靈臺宮
憶昔宣猷哀澤鴻六帶蒐簡啟元戎左旛右驂驅朱驥
鼻鏹鼎獵關琯弓篆書丹赤獵火紅森森十碣樹碑穹
忽然陳寶鳴其雄神物播蕩踰關中洛陽刊剝走崆峒
幾臥苔蘚驚邊烽縱令氊裘革蒙毋乃荆棘傷駝銅

況施鏗鑿凹曰春馭烤舉獻誰去從

射鏗奉獻四字說文字畫與石鼓殊

異可疑者

偏旁點畫異叔重尚功欵識例鼎鐘參以古訓闕

疑胸响嘍碑古玉檢封無所考信難追踪用修詡詡周
雅通改驅東轍馳西雍白澤惡獸羣執攻譬操碎錦蜜

密縫眞宰割裂無全容又如俯張歌辟誰誰起八伯深

研窮惟公神敏天特鍾娜嬛秘笈探仙峰星軺周歷雙

花驄搜剔萬象歸陶鎔偶窺藜閣光融融中疑鬱律盤

蛟龍急登榻上筆札供經營意匠抒神鋒貞珉鏤刻參

縱鏞餘癡剩疇皆球琮精心抉擇慎所宗惟魚貫柳昭

發矇頤頰籀體昇冰邕我今瞻覩頰澤墉爲言奎壁輝

額粉奩集

卷四

八

江東

默園清江學釣圖

子陵隱富春雖云遁跡實釣名尚父漁渭澤志不在魚
乃釣國豈若劉侯垂釣清江邊非夷非惠情悠然三十
六溪水接天釣絲裊裊秋風前有時浩歌或扣舷驚起
明月來窺船有時繫纜垂楊間綠簑半曳青箬偏獅山
淨碧環翠煙酒酣醉傍蘆花眠君不見君家太守畱一
錢至今清節茲江傳治大國如烹小鮮老聃語豈吾欺
焉垂綸者清毋貪餌得亦不計何望筮想君高興同角
里轉笑當年任公子他時許我讀新詩定有江風海雨

生牙齒

西明雨聲館圖

遶徑種芭蕉當窗列脩竹客來炎暑無但覺鬚眉綠

一葉兩葉初長風聲雨聲乍來好署綠天奩主時時詩

思相催

涼意秋容畫不成驚回鄉夢客愁生何時高館同聯榻

細剔銀缸聽雨聲

驅鯨行贈陳江洲司馬卽送之台州

陳侯立性真勇敢虬髯虎頭仍燕頤殺賊能持半段槍

行軍自有渾身膽高秋戰艦來大洋是時羣寇方披猖

額粉盒集

卷四

九

商賈倉皇盡卻走蜂屯蟻聚連帆檣武士材官氣肅爽

惟公壯心十倍作大軍一呼齊合圍似葉人頭水中落

椎牛醜酒勞衆工犒軍那計囊資空單舸直逼窮晝夜

碧天萬里尋無踪鹿耳門外濤聲怒鼠竊創殘不敢渡

怪他武畧能超羣身是同安忠毅壻海疆鎮守紛如雲

就中獨數李將軍

李忠毅
公長庚

不惜黃金酬死士誓清海甸

答君恩平生精曉孫吳術參謀更有乘龍客戈頭日

落更橫刀盾鼻墨乾重草檄二十餘年功力深妖星未

靖將星沉李廣封侯原薄命馬援裹革遂初心陳侯雅

性耽文墨兩度敲門訪逋客談到將軍博戰時吐氣如

虹背俱裂我語陳侯正盛年將軍遺志仗君傳樓船有
日煩楊僕好掃妖氛靖水仙中丞久識多才智 詔往
天台徵吏治想見黎民迎道旁爭看白馬陳從事

西明書來欸署詩弟子戲作二十字答之

握管三十年妙旨未得一且呼惠休兄莫稱賈島佛

採蘭曲爲默園作

立春四日便春來破雪幽蘭一穗開何必更將金屋貯

有人新築避風臺

美人家住闔廬城竟體芳蘭是小名恰喜劉郎猶未老

不須桃洞看花行

額粉奩集

卷四

十

香暖銀屏燭影搖背燈親爲解輕綃溫柔鄉裏惺忪語
眞箇消魂是此宵

梅花風外夢徵蘭教誦新詩倚畫欄應笑維摩病居士

蘆簾紙閣不勝寒

冬夜登越州城樓

麗譙隱隱欲更闌獨夜登臨倚曲欄樹挾風聲連野大
月涵潮色上樓寒千秋霸業英才歇六代荒陵宿草殘
俯仰不勝興廢感眼前景物正闌珊

折蠟梅數枝插膽瓶中香徹滿座爲成一律

一枝芳較嶺梅先自取軍持汲凍泉開向冷煙殘雪裏

俱來竹屋紙窗前將檀作骨香尤甚剪蠟爲花韻自妍
清瘦自應尊者相詩人相對聳吟肩

朱蘭牕堦都中寄詩就正見其詞致清新筆法秀
娟其所造未可量也喜作長句勵之

開函不覺豁雙眸詩律深嚴筆法迢藉甚樂天春草句
清羸衛玠渡江愁丐題定有來都下跨竈還看占狀頭
老友意園時以殿撰期之想見登臨吟眺處燕臺雲樹薊門秋

偕秦南湖過訪章橋西觀察

故人日下寄書頻意園每道章君氣味親倒屣未容緣臥

病放舟恰好趁探春彥昇門館能延客公瑾醇醪自醉

額粉奩集

卷四

十一

人賴有葭苧姻契在疎狂未礙薜蘿身

吼山

扁舟訪故人東望一回首山靈有成約雲際儼招手洞
門跨深潭特立若張口何年斧鑿成刻削露奇醜亂竹
披蒙茸峭壁闢堅厚時當仲春初嵐翠撲牕牖渟泓深
不測蛟龍潛蚺螻老僧煎新茶藉以滌塵垢斜陽一冕
漾新漲碧於酒平生高隱心半爲俗緣負行須繼陶公
讀書裏糧糗

無題

雲母屏風隔畫樓翠翹金雀玉搔頭春風庭院無人到

開到桃花便憶劉

青鳥西飛去不還
海天消息阻三山
誰言十二瓊樓遠
只在東南月一彎

額粉奩作

額粉奩中一散人
榴皮塵尾縠皮巾
逃禪近學王摩詰
縱酒曾師賀季真
烏語隔窗幽閣曉
花枝當戶小園春
春來日有新詩句
要與知交細討論

雨中遣興

拂檐新柳漸毵毵
幾日輕陰雨正酣
客子生涯惟硯北
杏花消息又江南
樹頭鶯語圓吭滑
窗外山容濕翠含
額粉奩集

卷四

七

聞說鏡湖春正好
畫船取次作幽探

雜書

漢家重對策
馬遷名獨遺
唐制重歌咏
老杜不見知
武帝好邊功
李廣數偏奇
身經七十戰
封侯歸偏裨
衛青庸奴爾
位乃居鼎台
騏驥服鹽車
跼促筋力頽
中道逢伯樂
仰天一長嘶
木以不材壽
雁以不鳴災
升沉通達間
何論才不才

遁世作隱淪
意不欲人齒
巢由視天下
棄之若敝屣
既已遺富貴
那復論譽毀
王光友文叔
聲名遂隆起
不然釣澤中
誰識披裘士
泯沒泉石間
高人難屈指
没生不

見知斯真隱君子

殺人例必誅恢恢說天網生時或脫逃冥報終不爽符
堅刺姚萇晁錯病袁盎雖經隔世後相應猶影響白起
與黃巢殺戮徧天壤流血過千里卅萬恣一坑如何當
死時未見報復象豈其盛凶頑鬼神亦難傍

遇合各有緣會晤難定論范式約張邵千里遲謀面孔
子於老聃傾蓋早相見豈惟人間然天上亦同恨迢迢
參商星終古長離間牛女隔銀河經年積幽怨紅雲蔽
帝居真仙不得盼晉士人周謂召見獨升殿

貧戶衣布素富家曳羅縠貧戶飽齋鹽富家飲酒肉東

額粉奩集

卷四

七

隣盛姬妾脩眉閉金屋西巷綠牕婦荆釵勤膏沐娛老
溫柔鄉要知同燕玉造物本炎涼貧富異寒燠飲食衣
服間未免私意蓄始信天地間至公惟色福

王景防子奢沉默命其名鄭公誨子嚴女僕絕其形劉
氏通七業馮家號四經徒挽兩石弓寧可識一丁公綽
講小齋元齡書圍屏與其有心肖孰若無意成試讀責

子詩達哉陶淵明

與飲血獄千其卅萬恣一其政同

天下名山水半屬釋子居雖歸寂滅界日向勢利趨翻
嫌地深僻出入增馳驅朱門貴達者心倦仕宦途夢想
煙霞窟行當結一廬終身不可得托興成畫圖始知稱

意事往往多齟齬本來酸鹽異其奈嗜好殊吾欲語天
公易地以相須

作詩重性靈初不涉訓詁心與天機會落落揮毫楮食
用古姓氏謂之點鬼簿動輒以地名何異記里鼓襄陽
勝昌黎一味擅妙語少陵真奇絕正在無言處水到自
成渠風來爲開戶所以死黃牛不如活老鼠

晚晴用青邱韻

春陰幾日放晴遲倚檻剛逢夕照時斂霧山容如破睡
穿花鶯語似催詩已看新綠連平野尚有疏紅剩晚枝
便欲明朝俊游去故交零落劇相思

額粉盦集

卷四

十四

送六女桂于歸都下

明珠嬌小最堪憐掌上盈盈十五年今日臨岐相送處
愁心都挂夕陽天

二月春風放畫橈桃花水長綠迢迢姑恩阿嬭應相似
同伴篷窗未寂寥

郎君才調久傳名水部家風本自清想見晝閒初讀罷
畫眉新筆咏雙聲

承歡公姥洗愁顏學捧盤匝禮未嫻莫倚嬌癡平日性
可知作婦事原艱

乾鵲噪柴門高軒來故人琴書微雅量懷抱見天真草
色疎簾雨花香小苑春清談成久坐慚愧薜蘿身

象山烈婦行

賊寇來黎民哀哭聲四野如轟雷船頭列弓刀船尾載
蛾眉蛾眉盡是良家子花貌雲鬟命如紙佯羞強笑供
賊喜且忍一時辱少緩須臾死象山烈婦心獨悲耿耿
精誠血相視妾身落葉同妾志堅冰似此身義不蒙賊
恥垢面毀容常雪涕求死豈知良不易一朝賊衆皆醉
矣夜半星搖朔風起燈前密密紉衣履百丈洪波一身
委魂歸象山土血染清江水賊徒驚起皆歎呼同舟掩
額粉奩集

卷四

五

面詫不如曉來遺骸浮水出雙眸炯炯猶生如鄉人爲
葬江之隅碑前夜夜聞啼鳥嗚呼忠臣孝子等閒耳但
能一死分賢愚君不見一錢亭畔一坏土清節同垂萬
萬古

落花

封姨何太妬嬌姿一桁晶簾舞態遲金谷園荒人去後
元都觀廢客來時餘香半入蜂房積剩粉猶粘蝶翅垂
仿弗尋芳春較晚那堪綠葉子盈枝

碎錦平鋪碧蘚荒空階行處惜餘香已成杜牧三生恨
猶作徐妃半面妝羯鼓打開纔昨日金鈴深護又斜陽

一番零落誰惆悵祇有關情黃四娘

枝頭何處認芳痕零亂斜陽覆洞門四壁清燈畱畫影
五更冷月葬詩魂悄悄啼鳥書堂寂寞漠漠荒煙野屋昏
我欲將書寄天女問渠何法懺情根

江北江南鬪麗華如雲踪跡委泥沙低徊陌上尋春屐
冷落橋邊賣酒家樓閣重簾詩思懶池塘夜雨夢魂賒
何堪唐苑隋宮裏一片蒼涼祇足嗟

色空空色夢中身好倩維摩說淨因無語自含千古恨
斷腸又送一年春拈來猶作糝芳看掃處誰憐墮粉勻
今日西湖遊覽處天涯應有苦吟人

額粉奩集

卷四

六

送徐燮園明府之遼州別駕

越中黎庶荷吹噓久識家風東海徐燕寢香凝爭訟息
公庭花落畫簾疎少時曾負龍門譽此去應堪驥足舒
拒賊按巫弓手罷豈徒施雨校經書

折柳官橋送別時遼陽遠道望逶迤幾年喜聽歌來暮
後日何堪誦去思避暑臺前芳草長伏兵坡外片雲遲
蠡城父老偏情重話別慈君一淚洩

默園破浪圖

極目渺無垠乘風破浪痕樓船豈楊僕島嶼有孫恩似
梗孤舟泊如蜂萬賊屯趨庭心事在出險尚驚魂

素志同宗炳超然萬里行陣雲連野黑巨浪接天平紙
上大蘇句曾中小范兵披圖宛陳迹我亦壯心生

幽齋

深綠如雲暗碧紗幽齋盡日鳥聲譁雙飛簾外雌雄蝶
並蒂籬邊姊妹花畫爲求多常點筆詩緣學淺未名家
身閒嬾散渾無事睡足南窗日未斜

接蜀中葉銘齋內兄札寄懷二首

記別河橋春欲闌三年書始報平安江迴白帝猿聲苦
棧逼青天鳥道難小縣荒來千戶少亂山深處一官寒
憑君好繼文翁治五袴歌成父老歡

額粉盒集

卷四

七

追隨小小最情親意氣飛揚性率真聽雨簾櫳分鬪韻
看花庭院共尋春一行作吏成長別萬里相思若比鄰
爲報近來豪興減鬢絲禪榻斷囂塵

初夏偶賦用東坡岐亭韻四首

蟻聚爲逐羶蠅溺由赴汁趨利害隨之移乾翻就溼萬
物我何有營營不一得筋力日勞瘁事豈關緩急短長
不自知翻愧呼名鴨窓蔽才智昏誰爲去重羸疎慵我
性然隨世愧顏赤縱欲邀顧盼難分青與白豪俠笑請
斫地應成缺爲問路旁人幾多名利客何如陶令家北

窗薰風集

開簾快迎涼烹茶細煎汁入夏未幾時蒸汗透衣溼春色去堂堂南風來得得轉眼年過半物換流光急柳蔭鳴新蟬池漲泛乳鴨脩篁透層霄雲籠如薄霧相羊幽徑中裸衣雙臂赤歌奏柳梢青酒泛竹葉白搔首欲問天擡眼墜中幘渺渺感幽懷隣簫聲如泣隨聲試往尋路出短牆缺一笑喜相值花下來佳客對月復開尊雅甚西園集

枯腸覓新句墨瀋慚點汁言言帶牢騷淚漬烏絲溼工拙隨人稱抒寫止自得詩債終日償較似催逋急豈得

額粉奩集

卷四

六

號家雞一任逐野鴨覆窗亦糊籠紗廢層層事豈類守元心亦自投赤披閱一篇終素懷可共白寒瘦羞冠冕巍然望高幘毫揮雲未收篇成鬼不泣間得楓落句全體愧多缺良友重相期云是能吟客俯首問詩腸九迴百慮集

舉世重交游膠漆若凝汁登高呼應速汗下終身溼正恐車笠盟近今未易得每笑喬木鳥嚶嚶求何急不如水上鷗風盟狎鳧鴨金少交不深言之淚染髻我友喜未多一一肝胆赤是非出定衡兩棋分黑白古道相磨礧不愧峩然幘迂疎違世味感憤其歌泣竭力欲隨時

彌縫究多缺生本副冷腸安用逐熱客心契蘇陳交三
復眉山集

偶成

連朝驟熱廢臨池遣興惟消一局棋堪笑幽禽閒似我
時來枝上學吟詩

池邊初放紫薇叢撥刺金鱗戲鏡中最是凭闌消受處
白荷花上過來風

王竹嶼司馬寄示尊人葑亭通政雙佩齋詩集託

默園嗟尹易拙詩及內子貽硯齋詩藁去詩以

代簡

額粉奩集

卷四

九

醞雞處瓮中頗覺天地窄鯤鵬逝萬里鷄雀止數尺物
性各自安吾生甘遁跡宦情淡阮裕遠志謝伯約結廬
清江濱百事不挂臆惟日哦數章籍以遣閒適冥搜鮑
謝精奇攫李杜魄嘔心脫眉毫失足翻醋甃子弟怪叔
癡童奴嗤主癖同心得荆婦耽此亦成習聯吟曾綴圖
鬪韻或擊鉢新篇乍脫手溼粉猶在額遼豕矜白頭宋
人寶燕石候蟲與春鳥時至難守嘿遠愧捷足見豈效
噉名客紛紛世宇內才士多於鯽不虞獨見知投刺日
填積王君烏衣彥家學泝芳澤欲窺下里吟先寄陽春
集開緘發光怪珠璣五拋擲逋峭子昇文雋永蒯通說

一齊來行間奔走紛絡繹珍寶難盡名如入鮫人窟
薛本小國敢與齊楚敵君言欲相易不覺汗流汗劉安
風雅徒介紹頗爲力還防藺相如間道歸趙璧作詩示
二君想見笑墮憤

秋懷

暑退涼生一笛中良宵微雨月朦朧如星螢火時流砌
似水銀河欲瀉空點檢生衣歸故篋逡巡團扇謝秋風
試看斑竹疎簾外已有繡書短燭紅

歲月堂堂疾若馳閒吟且莫爲秋悲謀生愈短同磨墨
詩境難高類奕棋淨掃莓苔貪客過懶親筆硯報書遲
額粉奩集卷四
未寒天氣初涼候方褥匡牀與睡宜

三

非關海叟早忘機野性偏甘薜荔衣六代陵荒芳草歇
千秋亭在酒人稀蟹奴入市隨潮上燕婢辭巢近社歸
最是傳延年耐久迎霜冷淡吐芳菲

遠道關河定幾重故交零落小魚封懷人玉笛三更月
破夢荒雞五夜鐘曠有餘閒參解脫慣因小病養疎慵
浮峰秋色應堪賞商略明朝策短筇

重九日茗玉歸杭余以事不果偕往作詩送之

頻伽林鳥本相依一夕離情減帶圍愁逐征鴻雲外落
人隨秋燕社前歸登高已負黃花約望遠唯看帆影飛

天意亦應知別恨空江煙雨正霏微

李此山丈醉睡圖

集徐青藤句

高館柳香來酒甕仙人不去桃花洞罈愁甕怨杯生齒
耽遊李白時飛夢教進羅浮夢裏觴帶煙籠霧自生香
醒固不惡醉亦好不負青天睡這場青天能容七尺身
二百年來一老生柿葉學書才不短自歎工詩老更貧
偷醉畢卓生爲酒一吸葡萄春五斗茲圖稍似少陵詩
無數天機臨譜繡相對瓊樓入太清睡彎若帶午雞鳴
人人夢到華胥國便是武陵深處人久知世事只如此
柯南一國癡螻蟻但願君爲衛武公欲呼與語不得起

額粉奩集

卷四

三

茗玉到杭聞與碧梧嫺卿兩夫人日以湖舫聯吟

爲樂竟有忘返之意作詩促之次首專簡碧梧

一別經旬似隔年明湖幾泛木蘭船劉家姊妹聯吟夜
薛氏房帷獨宿天落日青山秋已老經霜黃菊色猶妍
急須料理歸裝定倩汝題圖滿案前

去春曾記謁仙姿正是緗桃乍放時繡閣未開投刺早
春山初試理妝遲畫屏久擅丹青手團扇爭題黃絹辭
一握珍珠矜鄭重衛夫人筆總堪師

送雲壑回杭

江流渺何極客思正無窮別路寒雲外歸帆夕照中幾

時重握手嗟爾似飄蓬楊柳寧堪折蕭條西北風

打稻行

十月已滌場農人皆打稻比戶連耒聲清夜猶聒擾不
惜四體勤聊獲終身飽今春江水大苗秧幾枯槁幸免
作凶年仁惠感蒼昊呼童忙曬穀趁此天日好平田空
雲水含魚下白鳥

鄔雪舫蓮塘秋霽圖

結廬近西郭繞屋湖光明娟娟紅藕花萬柄搖秋晴微
雨渡頭歇好風林外生披襟者誰子臨流濯塵纓頗疑
古成連琴調流水聲又疑陸天隨泛宅浮家行風裳與
額粉奩集

卷四

五

相思

借先向羣鷗盟
水佩恍惚紛相迎予亦愛棲息儵然動遐情橫塘倘許
事到頭來有了時何須抵死費相思千秋一箇王長史
慟哭茅山亦太癡

一枕

一枕傷心唱惱儂由來薄倖是天公微生眞箇難如夢
莫怪襄王憶夢中

咏桂次凌香雨司馬韻

會讀小山咏花中此最幽樹經百年老香滿一家秋金

粟開如綴銀蟾淡不流寒梅太高冷多分讓君優
直幹捎雲上團團覆短牆葉分舂影碧色借菊花黃名
稱呼仙客葩常含古香怪他濟南老不譜入羣芳

題香雨姬人散花女史小影

臨風小立佩珊珊簇蝶羅袞墮馬鬟信是神仙空色相
亂拋紅雨落人間

笑我年來百念非橫陳嚼蠟悟禪機只餘結習除難盡
翻恐天花又惹衣

南宋十首

三箭穿楊起敵猜崔君泥馬渡江回六飛早駐臨安地

額粉奩集

卷四

三

半壁湖山帝業開

一去青城事可傷宣和圖籍盡淪亡玉堂天子無歸日

鸚鵡空勞喚卜娘

半臂輕綃約耳環白紗巾寄淚痕斑九哥若解窮邊苦

何事金牌召岳還

錯恨秦家宰相奸呂頤浩早佐偏安軍民空說撼山易

婦女偏知縱虎難

黃金鑄像恨難償茹素東朝更道裝爭及翠微亭外路

騎驢老將號清涼

一首清平寫有因芙蓉並蒂奉華新君王莫惱山僧誤

已有因行掉臂人

黃天蕩口夫人鼓喬木亭前愛妾書一樣天生奇女子
鬚眉隊裏有誰如

作記南園樂事新尊前起舞四夫人棄官不見誠齋老
甘臥鄉山十五春

李全兵警忽相催夜半披衣赴水隈猶幸相公能少耐
趙葵明日捷書來

砲打襄陽勢已危一編新集刻奇奇平章別有兵機急
蟋蟀秋高選將時

野望

額粉奩集

卷四

五

出戶探幽境平郊眺遠空人煙映山碧江樹飽霜紅
雁寒沙外斜陽別浦中疎鐘來隱約何處梵王宮

額粉奩集卷四終

額粉盒集卷五

蕭山高 第雲士著

男棨校

示病集

起巳巳十月盡
庚午十二月

孟冬十日舊症復發垂危已而獲愈口占一律

微軀苦羸弱臥疾慣經旬萬死猶今日千秋要此身骨
皆憐瘦削筆尚有精神又動看花興南枝欲破春

陳寶摩丈書來驚聞穉存先生訃音詩以哭之

杖藜無復訪江村片紙吹來濕淚痕豪宕尚存名士氣
窮荒幾弔旅臣魂死畱志節傳青史生戴頭顱入玉門

額粉盒集

卷五

一

今日首邱公遂願重泉應尚感 君恩

記會初見兩眉開千古論交九日杯人以多情憐後輩
天教奇境助詩才歲蛇有厄身難避磨蝎臨宮志可哀
一慟豈惟知已感名流白骨半青苔

宋逸山三友圖

世人所結交結交惟勢利雷陳管鮑不復作輕薄紛紛
逐絀綺肥肉大酒爭獻酬門前車馬如雲流一朝事去
成反掌翟公庭館寒於秋宋君高品孰方駕友非麋鹿
真堪詫老梅鐵石宋廣平古松偃蹇稽叔夜樓臺幾曲
苔徑紆此君繞屋清扶疎時來聳肩側帽坐其下滿身

松花竹粉香模糊何妨竟作長吉瘦吟聲清籟相答成
笙竽我亦棲心慕遐尚頗厭凡交薄俗相徑須來結歲
寒盟一笑披圖相揖讓

七思

嚴子陵光

我思嚴子陵披裘桐江隈故人作天子掉頭去不回石
臺猶對峙客星安在哉高風足千古望古空徘徊

方三拜干

我思方三拜功名若做屣卜居山陰道一竿釣秋水詩
骨瘦且寒郊島差可擬峩峩龍山巢高壓六君子

額粉奩集

卷五

二

林和靖逋

我思林和靖結靜西湖西飄然一雙屐不踏城市泥既
愛鶴如子復呼梅爲妻死無封禪書高跡誰與齊

倪雲林瓚

我思倪雲林遁跡江湖老蕭然清閨閣白雲送懷抱有
時作山水筆筆秋風掃至今尺寸縑千金以爲寶

唐六如寅

我思唐六如半生惟浪跡鴻鵠方高翔因風墮雙翮不
避官長嗔能使美人惜寂寞桃花奩春風謝紅白

徐青藤渭

我思徐青藤文章霹靂手伴狂散髮游痛飲百杯酒騷壇數鉅公叱之若芻狗哀哉胡與袁死生得兩友

陳睂公繼儒

我思陳睂公山人邈風度巍然董尚書聲名亦參互祕笈著等身深意托豪素矯首寶顏堂奕世動遐慕

題袁耐亭悼亡詩後

蛾眉雲鬢夜飛蟬謝女才華世早傳惆悵西湖春夢短碧桃如雨聽啼鶉

一編蕃錦樣翻新此事推袁信絕倫觸忤五年傷逝恨畫簾冷月正窺人

額粉盦集

卷五

三

趙晉齋丈以穎上蘭亭拓本見貽賦謝

北風捲雪雪片粗閉門僵臥一事無玉壺買春醉不起有客贈我瑯琊書開緘洗洗歎奇絕蘭亭一本同璠璣龍跳虎臥勢倔強直覺神似非形摹當時偏安守半壁將軍勳業何爛如偶然脩禊畱此帖骨格蒼勁兼縈紆山僧墨寶獨矜惜賺來蕭翼誠良圖昭陵千載不得出神物永祕珠玉襦後來搨本亦間有筆力獨推褚與虞宋元諸家競祖述惜無氣骨存皮膚有明嘉靖運八載村民穎上扶犁鋤斷碑倒臥露光怪牛角摩礪點畫殊草繩鼻碑獻官長一丁不識堪嗟吁自來真蹟不終闕

快哉竟遇東國儒從此光芒遍寰宇不復委棄隨泥塗
晉齋先生古奇士山房一一金石儲雞碑雀籙何足數
直搜彝鼎追皇初响嘍之銘孔悝鼎辨刻真僞分鎔銖
有時振筆作行楷腕間颯颯龍蛇趨僕也好古入骨髓
名山石刻藏有餘閉門十日不一出清池醉墨臨官奴
今得此帖發狂喜染翰不惜衫袖汗五星石硯管城子
千秋寶與琳瑯俱

陳石生拜石圖

石之珍重在奇醜妙處更須皴瘦透苔紋斑駁土花繡
堪坐堪眠復堪漱陳生才調方少年意氣欲倣元章顛
額粉奩集卷五四
翻然自取石生字似詔高琳浮磬之精傳我不能學初
平向紙叱石起又不能學楊公攫入懷袖裏披圖見君
雙屈膝不覺開眉替石喜愛君恨不同君游幾時共泛
耶溪舟引入千巖萬壑幽看君一一五體投

庚午元旦立春試筆

殘燭光猶在朝暉烏亂鳴好春來上日快雪喜時晴煖
意屠蘇覺釵頭彩勝明梅花能解事索笑近檐楹

陳梅楂鋤雲種藥圖

陳子正年少怡情壑與巖穿雲雙不借種藥一長錢異
種滋泉灌靈苗帶露芟濛濛松下路翠濕紫蕉衫

讀笠舫吟卷得三絕句卽以奉懷

黃金臺畔想遊蹤
意氣偏於紙上逢
滄海銀濤橫萬頃
筆端生欲走蛟龍

松風冷泠秋水明
哀絛豔竹奏洞庭
鶴飛不到三千丈

玉女招之遊太清

胡威臨老擘筌篋

佛

畫展袁郎筆底秋
耐涼月一灣花

四面七年前記武陵遊

又懷

嗜酒露天眞下筆有奇氣
海上鄉環書年來讀完未

祭田橫廟題壁

額粉奩集

卷五

五

襟期寥落老高郎
來向荒祠奠一觴
我輩文章宜蹭蹬
君家兄弟亦消亡
恥隨彭越臣南面
冷笑韓侯作假王
五百英靈應聚此
清江月黑夜茫茫

酈生鼎上已成羈
事去還歸海島栖
生以頭顱酬赤帝
死猶魂魄戀青齊
解兵歷下無長策
縱酒軍中是禍梯
絕勝重瞳空蓋世
從亡只有一虞兮

同人遊蘭亭卽集蘭亭字成詩二首

清興臨春暢閒情
寄管絃已當脩竹地
暫快惠風天
短詠娛今日流觴感昔年
况欣同類集樂趣
信幽然

視聽隨時遇形骸
得自由靜觀天宇朗
閒絃曲亭幽萬

竹林陰合羣山水抱流因風坐懷古能不暢斯游

王右軍祠

文章勲業兩相侔保障東南十二州
六代雲山開俎豆一時裙屐盡風流
遺碑白帖殘花換舊巷烏衣夕照留
我到荒祠頻下拜詩成題壁寫銀鈎

鑿石歌

繞門一山石萬頃不生怪石生頑蠢
千片萬片鑿不盡剝膚吸髓踵至頂
他山可悅此可憫吾爲長歌寫其景
石骨依山本完整大匠一顧睨且哂
量以尋丈度以準削木作牡罽作牝
長繩短繩紛相引懸若縋蛛舒若蚘
額粉盒集卷五

六

以足抵壁遠復近憑虛作勢勢更猛
霹靂一聲山靈窘宋郊五石驚星隕
黨與雖潰元兇梗重整堅壁搥以槌
結繩加固木加緊始如巨鐘擊憑筵
繼若萬牛轉藉紉人力旣竭天亦憤
郊廓竟徙商郊鼎復有平岡石在隱
鑿險縋幽奇巧造能變高山作深井
萬椎齊下石垢餅雷鳴地底聲轉靜
得石架木汲以緦人隨石上小無影
若見茅經號而拯嗟哉此輩亦太甚
石生山中非癩癩胡爲必加割剝剝
利用自有埤埴敏獲利亦與毛髮等
開鑿轉運略不謹小則斷腰折其脛
大則肉鬻骨成粉徒令無辜之山入慘境
目劓鼻劓足受贖我觀越州山

石多秀挺橫者成峰側成嶺如帆如傘如玉筍爲鶴爲
甕爲琴軫前則媧皇皆退屏後則米顛亦首肯胡爲此
獨遭凶閔同是山有幸不幸吁嗟物尚如此人可省荆
山抱璞時引領何如白雲閒抱石眠冷

留鬢

憶予少年時差可彘咄偶窺嘗來鄰姬果或擲里婦玉
山說裴佳蒹葭倚左醜顧影矜翩然厭見垂白叟豈知
三十年歲月一回首功名未成立顏色漸昏黝摩摩兩
頰間于思來縉縉密同竹緣陂苗若草生藪攬鏡失故
吾頓不辨誰某向後多老蒼流光知愈陡及時不行樂
額粉盒集

卷五

七

良辰恐孤負從今花月場恣意惟詩酒一笑問羅敷惱
此鬢曩否

南湖書所見

勝遊難得是佳辰卻喜今朝霽景新夜雨又添三尺水
桃花已足十分春柳邊黃鳥如催句樓外紅粧不避人
對此風光肯孤負酒杯到手莫辭頻

湘湖采蓴曲

湘湖二月蓴絲長采蓴女兒蕩雙槳歌聲搖颺隨春風
鬢影釵痕浮兩兩妾心宛轉蓴絲牽將斷不斷仍纏綿
郎情輕薄蓴根滑入手還離多反覆采菱菱角尖采蓮

蓮心苦何如中流拾釵股采采汀洲忘日暮迴身動羅
裳揜袖呈皓腕春愁儼相似欲理復撩亂岸旁游客空
斷腸高鬟一尺西家粧湖煙漸暝歌漸遠棹入綠楊看
不見

春日村居雜興十首

地偏自喜隔塵寰家在千巖萬壑間綠雪新烹湖上水
青鞋遍踏夢中山忙時課失閒還補醉後詩成醒卽刪
除卻筆牀書卷外日長無計破愁顏

結習疎狂尚未除眠雲醉雪竟何如有時對客懶開眼
盡日看山當讀書半閣綠陰人靜後一簾紅雨燕來初
額粉盒集 卷五 八
不須更著登臨屐五嶽煙嵐滿敝廬

此間岑寂有誰同人在梅花舊閣東竹榻臥聽連夜雨
膽瓶吟對一枝紅鴨頭新漲春池水牛背橫吹短笛風
鎮日小牕無箇事自調鸚鵡放雕籠

銷魂剛是豔陽天十里東風送玉鞭紅粉青山花外路
綠波春水鏡中船芳游轉眼都如夢勝境回頭半化煙
手劈澄心三兩幅好將韻事付吟牋

賭罷殘棋局不收清江風月在南樓占來豔福仙應妬
悟徹情禪佛亦愁花信幾番初過杏春寒二月尚披裘
雙鬟解得聯吟意擎到新茶碧玉甌

坐對春風捲畫簾萬花堆裏放牙籤曲拋紅豆聲聲慢
筆禿烏絲寸寸尖鄰父換書分藥釀山僧索句獻蘭嫌
平生最愛清閒福煙月佳時不肯廉

池塘春草綠年年一種柔情絕可憐墨點花陰雙六譜
紅銷燈影十三絃詩賡白傅迎春曲囊有青蓮買酒錢
斜日小園人語靜閒看鈴索上鞦韆

溪流滑笏不生波一片輕舟款乃過鴨鴨呼名翻細柳
魚魚逐隊漾新荷當門古木如人老隔岸春山入畫多
隨意前村成獨往細聽漁父叩舷歌

背壁蓮花燦夜釭碧紗低護竹間牕睡魔似病誰能遣
額粉奩集

卷五

九

詩律如城未肯降銀管新題溪六六玉鈎小立燕雙雙
綠蓑青笠原無恙夢到湘湖放釣艫

板橋流水一溪斜畫舫隨波漾淺沙臥榻平分山翠落
蓬窗半被竹枝遮呼童小店頻沽酒乘興前村更問花
暮北朝南長不繫桃源深處便爲家

贈歌者蕉林

太史風流鬢已華

謂桂堂先生

春衫香染酒痕斜絳紗開遍

閒桃李不及當筵稱意花

翠被何人覆鄂君新詞一曲翦湘雲平生量窄三蕉葉

爲爾應須滿十分

一回相倚一回憐坐對名花惜少年莫唱畫船煙柳句
春風愁煞杜樊川

剛是羊車絕妙時紛紛蜂蝶漫相期綠窗手擘銀花紙
偷和丁娘十索詩

湘波簾幕影沉沉界罷烏絲又鼓琴卻笑維摩病居士
憐他捲雨有蕉心

百幅瓊牋妙色絲卿應笑我太情癡綠天倘許閒花近
好種春林杏一枝

自二月二十每早吐血至三月二十未止作詩於

佛前戲之

額粉奩集

卷五

十

忽從水底起龍螭丹走紅爐漏不支竹榻爐煙春盎盎
草堂清夢日遲遲閒來蘇晉惟參佛瘦到東陽不廢詩
多謝朋曹看花約緇桃落盡柳姑祠

堆向花陰色不如昏花病眼當花鋤但畱錦繡文章在
何惜珠璣咳唾餘叔子淋漓碑下淚少陵嗚咽腹中書
只憐點點丹心汁狼藉詩人水竹居

嶽嵒傲骨怕人憐幸有山妻可替肩一月靜參居士法
三春辜負美人禪世間有物皆宜藥囊內多方不是仙
頓使高堂增白髮時時褰幔問牀前

空說良緣邂逅成累卿連夕夢還驚可堪月地雲階畔

預訂生離死別情金粉果然畱地獄芙蓉何必主花城
今生若果如斯了不用重煩祝再生

次早血不止

呻吟終日氣難平況復連朝病未寧睡起魔頭如有約
抱來佛腳總無靈難從市上求神草

時醫者謂不宜服參

擬向松

根刷茯苓解脫久因禪理悟未妨蟬蛻視吾形

立夏後服參兩餘血漸止

果然神草可延年轉死爲生總在天解用自能成妙藥
攜來遑更惜金錢融融旺氣丹田補拂拂清香鼻觀傳
奚必紫團松下獲但求無病亦疑仙

額粉盒集

卷五

十一

瘦自嘲

玉立亭亭瘦不支生衣難禁曉風吹將郎比竹原非俗
聳膊成山亦可知笑向綠梅呼伴侶好憑紅豆說相思
年來漸覺腰圍減爭奈魂消抱玉時

飯顆從來索句道天公權要勘詩囚差疑沈約形同鶴
難免王琪喚作猴覽鏡自知無我相著書空代古人憂
平生兩個聰明字總被風流誤到頭

讀書五首

幾日天氣涼時序倏已更西風昨夜來四壁皆秋聲歷
歷漢橫戶百蟲應候鳴安居觀物化卽此悟浮生歛氣

讀詩書苦心抉精英世人競紛華朝朝事虛名何如擁
萬卷勝彼面百城
昔賢去已久文字畱精神開卷日靜對一一言語親持
論雖各異所貴得其真苟不得其真何以知其人一目
十行下此樂寧有倫每至得意處還復酒一巡惜未生
當時把盞問迷津

古人所遺書亦有疵有純往往泥古者甘人云亦云矮
人而觀場隨衆爲喜瞋甚或會意錯遂至乖所行卽使
利害見膠執難變更凡此皆迂儒謬用其聰明讀書當
有主方寸自權衡不爲古人惑方可稱豪英

額粉奩集

卷五

七

吾聞莊生言好學以爲福古來大才人亦惟日不足窮
年苦兀兀晷短焚膏續所以發爲文字字見精卓特立
天地間盛氣貫山嶽區區才力孜何敢自逸樂努力希
前修恨不十年讀勉期精進林母入倒迴谷
志士當窮愁纂籍以爲樂苦心日瞿瞿其意有所屬生
前榮難期死後名可卜豈知前人書充棟而汗犢子史
及百家未必能盡讀何況今人爲誰何一過目著作雖
等身但資束高閣今我見及此何爲日役役務此覆瓿
物心血嘔一斛聊任性所耽傳否非所欲

玉缸酒滴珍珠紅神草能補造化功二者得兼妙相濟
頓教一氣團春融自來釀法非一種醅酣醪醴名不同
或以女麩或甜醪三重一宿相始終松花甘草味太薄
不及苦菊能治聾醉鄉自古有奇士酣歌不獨推山公
劉伶阮籍亦豪放狂澆礪塊開心胸淵明種秫三十畝
豈復雅量同公榮青蓮舉杯酌明月佐以秋橘兼春菘
其餘酒星難悉數最下亦過東坡翁生平飲量頗不窄
醉吸醪醪如長虹百杯一舉玉山倒吐棄糟粕歸醇醲
記曾夢渡鏡中鶴高登海外芙蓉峰仙官手揮白鸞尾
雲車風馬紛相從紅虬之脯碧瓊液酒仙大會蓬萊宮
額粉盒集

卷五

十三

踏翻王母紫霞碗玉痕香染珠衫重回頭一覽發狂嘯
飛落煙雨蒼茫中卽今愁病苦索莫難從豎壘誇英雄
山厨日進一盂粥但思麩蘖頭冬烘牀頭藥裏雜詩卷
高臥不出成疎慵山妻爲我覓良法細瀹春釀沉紗籠
片以參枝只一味甕口密用黃丸封座間浸潤過半月
色香風味無不濃開樽清氣襲襟袖三蕉日飲治疲癯
邇來腰腳稍輕軟譬若枯草回春風醉書長歌示同調
仰天大笑青濛濛

喜秦南湖至

疎放懶出戶故人來亦稀多君獨相訪風雨到柴扉竹

翠淨於洗茶煙濕不飛清言各未已暮色又依依

題鄭板橋先生畫竹

涪翁辨先竹坡翁論成竹味此兩翁言妙處無過熟板
橋鄭先生畫竹超凡俗煙稍與風葉揮灑恣噴薄平生
每自珍恐入庸夫目吾祖昔與交見畫每歎服茲來徐
隱君贈我竹兩軸每軸百餘竿竿傍巖麓懸又一再
觀恍入篔簹谷初看不似畫枝葉森以肅似有千仞勢
藏此盈丈幅想見未畫先千竿已撐腹我昔游韜光萬
竹蔽天綠一枝一撫玩日暮看未足歸來入幽夢夢在
竹間宿今觀先生畫彷彿前遊續相對發幽思風塵悔
額粉奩集卷五
十四
馳逐安得畫中境置我數間屋終日對此君焚香道書
讀

孟子詩

有序

偶閱西堂老人論語三十首題新穎而語實工
因憶孟子七卷中可涉吟咏者如數成之效顰
之誚知不免也

孟子見梁惠王

六國紛爭患虎狼寧辭千里戴星霜山川自昔雄三晉
車馬長驅入大梁勢可遏秦宜禮士道能定魏特干王
賢人不用真堪惜遂使諸侯盡滅亡

王立於沼上

池臺曲折闢玲瓏景物依稀靈沼同魚躍亦知吾子樂
風來真覺大王雄淺陂草長眠麋鹿遠岸煙深落雁鴻
得與高人同竚立臨流心地亦澄空

斧斤以時入山林

萬壑霜寒落木天斧斤正好入層巔青山與世常千載
紅葉和雲壓一肩遠響丁丁空谷應驚禽翼翼暮巢遷
樵歌一路如相荅依舊民風太古前

樹之以桑

五畝之間築室成樹桑百本足經營夕陽斜處見梯影
額粉奩集

卷五

七

曉露滴時聞剪聲衣帛自堪供長老雞豚原可樂平生
蠶眼已過甚初熟時有春鳩繞舍鳴

天油然作雲沛然下雨

長夏深愁旱魃災田紋龜裂桔槔摧濃雲忽作奇峰起
急雨驚聞陣馬來一洗炎囂忘濁暑頓還枯槁到蒿萊
試看膚寸爲霖意已有歡聲遍八垓

句踐事吳

羣臣餞送浙江湄烏鵲歌成一涕洟自有殺機同虎伏
何妨僞體學狐身臥薪廿載成功日采葢三年忍辱時
且莫五湖追少伯黃金端合鑄西施

來朝走馬

厥妃鞍馬共東征回首烽煙逼禁城宮寢倉皇驚月出
珮環整肅候雞鳴頓拋社稷猶憐我稍慰干戈賴有卿
並轡依然琴瑟好岐中民物正豐盈

去齊

道大原難與世宜駕言將發轉逶迤百年虛負典王志
三宿猶存去國思鴉鵲露寒巢印在關山月冷馬蹄遲
九嶷回首青難了隱几蕭然欲臥時

好馳馬試劍

翩翩結客少年行相視尊前意氣橫陌上輕蹄疑電閃
額粉奩集

卷五

十六

匣中長劍作雷鳴回旋練影隨鞭疾起舞霜花拂袖生
名馬千金鈎百鍊爲言齊楚漫紛爭

鄉田同井

茅屋疎籬任接門井田同作誼逾敦朋儔社酒相扶醉
婦子宵燈笑語溫雞犬成行皆識主牛羊作隊自歸村
耦耕又及菖蒲綠共負犁鋤趁曉暉

益烈山澤而焚之

密箐深林一炬中連山烈烈捲長風火牛乍起燕軍敗
赤幟俄驚趙壁空便恐焚燒兼玉石已知焦爛及昆蟲
更無禽獸侵人害論績應須首祝融

井上有李

一枝穠李井欄旁，碎剪春冰萬萼裝。
澹泊自同廉士操，輕盈不學美人粧。
葦綃照影無波水，雪點吹殘墮地香。
結實勻圓堪療餒，莫教容易代桃僵。

彼身織屨妻辟纊

辟纊織屨課餘工，偕隱於陵半畝宮。
三日飢枵殘李在，一燈風雨敝廬空。
襟期落落誠佳耦，絡緯蕭蕭應候蟲。
遮莫黃金徵楚相，忘憂爭及灌園翁。

涕出而女於吳

請成無那托綢繆，涕泗臨岐集百憂。
計出和戎憐弱息，額粉奩集卷五
七
卦占歸妹奈仇讐，此儻難釋中心怨。
胼合翻胎敵國羞，望裏長洲春草綠。
不禁老淚爲渠流。

西子

美人終古說西家，絕世容姿麗若耶。
歌舞頓消亡國念，嬋娟偏有沼吳嗟。
空廊屢響尋遺躅，片石溪頭憶浣紗。
爲越報仇成底事，深恩畢竟負夫差。

卒之東郭播間之祭者，乞其餘不足，又顧而之

他

掃墓家家冷節催，隨烏攫食意徘徊。
紙錢飛處分殘爨，麥飯叢邊索舊醅。
但得沾唇還就彼，卻忘躡足等嗟來。

入門翻怪妻孥泣一笑方欣醉飽回

舜在牀琴

深宮晝永樹悄悄完浚餘閒試鼓琴一曲薰風能解慍
二妃當日亦知音和平自得先民意忸怩應增傲弟心
偃息匡牀揮灑處邈然誰會此胸襟

攸然而逝

大夫愛物及錙銖喜聽游鱗潑刺初得意何論池與沼
會心寧謂我非魚乾枯幾有過河泣鬢鬣方欣入水舒
却笑校人偏黠甚天機活潑片言餘

魯人獵較

額粉盒集

卷五

六

匹馬長纓短後衣時當畋獵獸應肥秋風曠野朝呼侶
野燒連山夜合圍立臂羣誇鷹隼健壓肩爭負鹿獐歸
擘鮮較技成流俗薦罷相將醉夕暉

誦其詩讀其書

昔人已往渺儀彤誦讀詩書見典型周召流風如晤對
誥謨遺訓恍親聆已遭歷劫悲兵燹猶有殘篇炳日星
俯仰古今思尚友漫嗤白首尚窮經

白雪之白

比月欺霜總絕倫從風一白渺無垠帳中甘后膚同潔
竹外王恭篁共新望處遙山疑琢玉曉來大地儼裝銀

詩人幸有冰心在相對何妨墊角巾

奕秋

傳世何妨以技鳴緣知心力貴專精不須四句乘除語
自有千秋博奕名兩陣禁持誰勝負滿枰黑白太分明
卻嗤袖手旁觀者那解先機一著爭

踰東家牆而摟其處子

漫憑青雀訴深情銀漢紅牆宛轉縈窺玉東家三載久
竊香韓壽一朝成不須濮上桑間約定有天荒地老盟
怪底大賢工取譬傳奇多少此中生

昔者王豹處於淇而河西善謳縣駒處於高唐

額粉奩集

卷五

五

而齊右善歌

謳歌激楚感人殷王豹縣駒技絕羣誰謂調高知者寡
但投時好和偏勤月明淇水參差起雲過巫山斷續聞
始覺新聲動流俗援琴挾瑟漫紛紛

窮則獨善其身

窮困原宜獨善身未甘趨走望風塵簞瓢豈礙顏回樂
蓬戶何傷原憲貧冠蓋名高難仰止山林道大豈沉淪
長沙慟哭湘纍怨爭及柴桑乞食人

登泰山而小天下

岱宗直上勢崔嵬杖策登臨亦壯哉雲際江湖浮一髮

煙中城郭列千堆直疑天地遽廬似頓覺風塵倦眼開
始信九州如掌大栖栖無處著斯才

觀於海者難爲水

才大方能納衆流莫嗤天地等浮漚百川日夜朝宗急
萬古乾坤滂瀆浮河伯望洋空歎詫馮夷挾浪自遨遊
扶桑濯足平生志弱水何當泛鐵舟

拔一毛

楊子身骸謹自持一毛未肯爲人私索來豈遂微疵見
斷處還防利刃吹天下雖安非我有泰山較重更誰知
笑他放踵和摩頂兼愛何須竟若斯

額粉奩集

卷五

辛

有衆逐虎

野廣天低沙草枯大聲吼處盡驚呼黑風捲地咆哮起
赤手何人膽氣粗履尾咎深難遠逸負嵎勢急莫前驅
泰山婦正悲哀哭苛政誰言猛虎殊

食前方丈侍妾數百人

丈夫得志允堪誇富貴神仙趙孟家妙舞清歌羅左右
鳴鐘列鼎自豪華供螺五斛猶嫌少下筋千錢未是奢
遂使流風遺後世胡椒三百亦同嗟

同雲壑步廿眼橋

清江綠膩繞堤流堤上疎林瑟瑟秋船過水痕分燕尾

煙消山色出牛頭鐘傳遠寺風何緊塔倚斜陽翠欲浮
最是西成堪極目黃雲如海接平疇

淡香女士爲余作牡丹長幅率題八絕

姚黃魏紫不須栽頃刻春風筆底開知道前身是天女
指尖花雨散將來

豔濃酣重壓低枝想見含毫點染時只解吹開不吹落
替花珍重謝風姨

不嫌脂粉澆天真國色長畱畫裏春彷彿夢花軒下過
看花共對惜花人

仙雲吹墮到山樓領袖羣芳占上頭一片濃春好煙景
額粉奩集

卷五

五

寄來時節卻深秋

綠牕簾捲水晶寒攜向花前反覆看嬌豔只宜香作伴
薰爐細細爇沉檀

錦帳金鈴護十重一枝沉醉向東風絕憐幾點胭脂色
照徹維摩丈室紅

銀管填來字字珠十分紅雨潑成圖沉香亭北花如許
消得青蓮一拜無

樓臺鏡裏認依稀鳳子紛紛莫浪飛好賦畫堂春一闋
天香不著七條衣

秋水外舅於武林舊肆購得桃核念珠一串中
鏤五百羅漢像藏諸古錦有年矣今秋余靜坐
書齋潛修梵行外舅攜以相贈因喜作長句紀
之

江天萬里雲海鋪龍伯亂擲紅珊瑚達摩西渡快收得
化作一串牟尼珠不和水沉香不種菩提子但用仙人
度索桃取核雕鑄而已矣慧珠百八圓且輕細看鐵筆
毫髮生中有阿羅漢五百一一慘澹經營成或著披雲
屐長眉倒挂雪絲白或乘大願船凌風一葉芥子然猛
虎蹲踞小於米神龍天矯不見尾孤拳高撐勇可恃佛
額粉奩集

卷五

三

亦多情角餘技亦有聯臂呼同羣芒鞋破衲細不分足
底蓬蓬踏紅日手中飄飄弄白雲其餘談經坐石無不
有色空妙現玲瓏手不數貫休畫筆一十六法像猙獰
貌粗醜我聞練川朱生技最精昆刀瘦削琅玕青山川
人物景逼肖目力巧奪造化靈又聞白門僕生亦奇絕
用筆只須一寸鐵雕冰鏤雪速且佳刻楮翻嫌楚人拙
此珠刻畫須良工精細頗與朱濮同可惜不鐫姓名與
年月徒令觀者嗟神功秋水老人今幸老市廛得之以
爲寶錦匣珍藏二十年慷慨相貽見懷抱病中剛欲悟
眞乘日日摩挲喜不勝若比老僧羅漢煮分公何止一

杯羹

自題額粉盒聯吟圖

平生健筆鼎能扛爲有蛾眉勢也降要識名姝原第一
敢誇國士本無雙迴文織就鴛鴦錦繡佛題成翡翠幢
二十四番吟不盡層層新綠上雕牕

擊鉢初終粉未乾居然閨閣峙騷壇詩逢同調才爭豔
曲到雙聲和亦難牙管香生花燦爛銀釭紅照影團圓
卻憐題罷增惆悵冷煞清江月一丸

武林兩人行爲湯畫人屠卓人賦

少陵不作昌黎死眼底居然見兩子骨相了不殊他人

額粉盒集

卷五

五

惟有奇才磊落鬱作雙峰峙一人馳長風滑稽漢代稱
詞雄踏翻王母紫霞尊笑見海上三度桃花紅一人抱
豔骨前身應是廣寒月大羅天上詠霓裳醉臥金房與
玉闕周王漢帝沒已久高觸青旻九頓首微臣抱此區
區一寸心欲爲蒼生小試霖雨手上帝哀憐詔曰俞召
令巨靈雙臂左右挾之走俯首視下界一氣青茫茫倏
馳萬里遐歷八荒但見海外長風吹壁立牛女宿邊一
髮搖光芒云是天目峰頭靈秀地霸圖自昔來冠裳又
是錢王射潮之故址洪波朝夕流汪洋砉然一聲霹靂
嚇巨靈撒手半空擲兩家門上懸之弧化爲黃日啼呱

呱小兒楊德祖大兒孔文舉頭角何崢嶸議論化庸腐
氣能吐長虹力可挽強弩付以采牋一函奇書一部造
化靈奇穎尖補縱論前千秋與後萬古何處來仙才仙
官過之生疑猜此子公然作狡獪符下五丁力士招之
來子來前笑且顛謂爲仙官多俗緣兩賢相遇何傷焉
仙官拂然怒驅之恐不速此地若畱此兩人只恐天愁
鬼夜哭燕昭高築黃金臺驪驅捷足天骨開當時賓館
盡豪士酣歌意氣何雄哉吾將助爾以西山沱水之雄
傑壯爾以瓊樓玉宇之崔巍曰爾晝入北渡黃河走京
甸追蹤詞苑凌蓬萊歐陽老子來揚州醉翁屢作平山
額粉奩集

卷五

五

游竹西歌吹久消歇徒令弔古生煩憂吾將廣爾以雷
塘螢苑之古跡坐爾以青山明月之高樓曰爾卓人小
謫西清去脩循吏傳儀徵縣古甘棠畱兩人聞之笑不
止此地分明在尺咫挂席長征渡江水故人與我別來
三五年思而不見心悠然落月長疑接顏色開緘幾度
來詩篇可惜相如病渴不得出不然定卽營腰纏天風
萬里吹飛仙朝鼓揚州柁夕著金臺鞭君等杜韓我青
蓮與爾雲龍上下相周旋

綠蝴蝶次韻

仙夢蘧蘧度碧城麻姑裙上繡難成翅翻寒翠三分活

影借秋雲一縷生，蓮葉方塘眼最穩。柳陰深院舞偏輕，
冰紈小扇閒相撲。么鳳拈來倍有情，竹煙淡淡雨霏霏。
逐隊尋香小徑微，悞點綺琴憐並色。偶臨翠幕解雙飛，
玉梅東閣癡魂瘦。芳草南園舊夢非，擬向東皇勤屬咐。
綠衣郎合配烏衣。

題寶摩丈五洩記游合刻後

昔誦天姥吟，夢游笑李白。山川靈秀在目前，何不竟攜
雙蠟屐。五洩獨擅吾越奇，刻削似有仙真棲。廣文先生
清興發，裹糧呼艇曉。泛青琉璃初來七岡嶺，迎面亂峰
勢已逞。蒼然脩竹楓林間，似爲詩人開異境。繼至藏綠
額粉奩集

卷五

五

鳴三兩人家，聚環堵。是誰直擘山腹開，盡日煙嵐壓窗
戶。劉龍坪疊石巖，流泉活活峭壁巉巉。一峰初沒一峰
見，七十二峰相背面。芙蓉萬朵爭峭蒨，朝暮雲煙自遷
變。西龍湫較東更奇，老蛟窟室千年移。神斤鬼斧出天
巧，平地散走千珠璣。惜哉到此水石交錯，忽無路不能
遍。歷五洩之嶽，寄先生游酣動高唱，搖筆落紙何淋漓。
胸中奇氣思一吐，一一靈怪形於詩。鐫成梨棗令我讀，
使我東望增長思。賤子愛名山，悔不相追隨。曩春去黃
海，出入兜羅目爭駭。五更直上文殊臺，坐看金輪發光
彩。庚秋游天台，高登華頂心。胸開石梁瀑布卷千尺，腳

底浩浩驚轟雷茲山咫尺不一至定被山靈笑塵滓謝
元卿刁處士終當訪汝青冥裏山川顯晦亦有時發蘊
探幽自茲始

讀梅村集

興亡一幅錦迴文江左淒涼日暮雲滿目河山新祭酒
側身壇坫舊將軍秋風南內悲團扇衰草西陵怨畫裙
自是蘭成搖落感非關春恨惱司勳
鄧尉山頭噪晚鴉玉梅如雪照袈裟生前實動黃冠想
歿後終收白璧瑕一代新聲酸鼓角十年老淚濕琵琶
琴河不種章臺柳紅豆相思是那家

額粉齋集

卷五

美

歲暮懷人

初脫朝衫正盛年家居仙卽地行仙平生不入煙花夢
垂老書追兩晉前

梁山舟先生

垂死孤臣得賜環十年何遽返仙班尊前一唱招魂曲

朔雪邊風夢玉關

洪北江太史

卷帙搜羅富百城鐫成名早達
彤廷魴生愧乏千秋

筆未敢從君便殺青

鮑綠飲丈

太白山人棲碧山桃花流水一春閒紛紛車馬紅塵道

獨擁圖書不出關

孫燭溪中翰

紅兒嬌小雪兒憨急管繁絲倚半酣爭乞使君新咏句

淋漓醉墨潑雲藍

陳桂堂太守

三度秋闈感慨深
枯桐忽喜得知音
散材終乏凌霄幹
空負當時種樹心

王少溪夫子

尋碑到處別苔花
古寺空山夕照斜
試檢明誠金石錄
從來博識數君家

趙晉齋

放浪溪山老畫師
孤高不作虎頭癡
吟魂應戀家鄉好
鶯叵湖邊煙雨時

方蘭坻

豪氣生前蓋八埏
行空天马脫拘牽
獨編詩論空儕輩
第一騷壇首謫仙

宋茗香

歷落嶽嵒氣最雄
軒然五嶽在胸中
才人慘禍無過汝

額粉盒集

卷五

毛

哭盡諸兒又祝融

奚鐵生

瓣香回首共師門
畱得寒燈舊爪痕
萬里賀蘭山下路
大招誰與弔吟魂

何蘭士

詩篇畫筆帶煙霞
邗上歸來兩鬢華
爲寫更生趺坐處
蒲團竹榻伴梅花

家邁菴

得官最晚去官先
乞取閒身較靜便
暢好竹西歌吹地
鶯花宜著杜樊川

吳山尊

憶初剪燭話風檐
轉瞬青雲健翮添
知否故人多病後
免圍地卻讀楞嚴

胡書農

襟期芴宕迥無雙
意氣平生爲爾降
曾記曩年今日事

一天風雪度錢江

童望軒

小住燕臺托買文
迦陵豪氣又逢君
居停亦是風流主
定賦梅花乞紫雲

陳雲伯

竹花不實鳳雛飢
甘向江湖老布衣
山水清音韋柳遠
五言時復見精微

孫雲壑

年少胸羅萬卷新
風流張緒本前身
吳山道院題襟別
彈指韶華十四春

張肇修

自題更生齋跌坐圖

洪崖仙人長不死

謂雅存先生

欲往從之躡煙紫
上界卽修

白玉樓緋衣不向綠
天使朝開草元亭
莫斂琅環扇持

額粉奩集

卷五

五

此三萬六千日可曾位業參
眞靈鑿混沌泣眞宰不如
慧眼觀空大自在
試求妙旨心地初
光明照徹牟尼珠
彈指十二樓五城瓊花瑤草白
玉鋪拍肩大笑歸來平
受想行識眞如無卽仙卽佛
敷團蒲

額粉奩集卷六

蕭山高 第雲士著

男枚校

更生集

起辛未正月盡一年

辛未元旦

元日開門報好春眼前節物一番新梅花獻歲紅當座
爆竹迎神響接隣富貴祝來餘宿酒駭癡畱得稱閒身
從今悟徹生生理狡獪維摩是夙因

齋頭盆梅一株古幹蚪繆十年不藥今歲花開特
盛蓋園丁培養力也喜賦

額粉奩集

卷六

一

詩人骨瘦似梅花每遇花時逸興賒紅玉一枝親手植
便疑春色在儂家

十年冷落負春風今歲纔開便不同明月亦憐疎影好
宵深相送上簾櫳

園丁培養有微勳朝夕清泉灌溉勤恰喜小池能寫照
繁枝撩亂插波紋

頻年踏雪冷芒鞋到處尋梅願每乖爭及古盆茅屋底
暗香和夢沁詩懷

李龍眠十八羅漢渡海圖

一僧先渡騎神魚雕顏鼻體貌粗兩僧繼進虬短鬚

身乘蓮葉清且臞回顧後者來於或坐枯槎或踏蘆
或狎猛虎如騰駒或執驅龍摘其珠或大歡喜笑口舒
其餘怪獸難描摹磋牙犄角形態殊未知提挈向何處
青天碧海相嬉娛龍眠居士稱妙手九工畫馬世莫逾
卽今寫此更奇特筆力欲壓楞伽盧八百餘年未漫漶
生絹展視珍璠璵我聞尊者具神力不妨攝氣行空虛
胡爲復此弄狡獪亦以耳目驚頑愚倘教戰兢一失足
海水灌頂成醜酬

積雨

額粉奩集

卷六

二

經旬不斷雨沉沉小閣垂簾一倍深江霧湖雲成底事
爭先商略作春陰

攜屐無人載酒來漸看行逕長青苔輕寒似恐春歸速
禁住桃花不許開

籊籊上番看初成亂迸春泥傍砌生新粉朝來多洗盡
嫩梢簸簸觸簾旌

未過清明負景光玉人何處踏春陽閉門不出渾成嬾
坐看蝸牛篆上牆

曉起

閒園條已曙林鳥喧啾啾日由山氣歛風定花光浮撫

景忽有得高詠誰與酬焚香罷禮佛呼童事茶甌

夜坐

愁心脈脈夜迢迢獨坐微吟破寂寥滿地落梅無過客
半簾斜月有吹簫茶鳴石銚湯初沸香裊金猊火未消
屈指春光過四十花生日又來朝

前梅獅子山看桃花

暖風遲日嫩晴天迢遞獅子山景物妍桑葉綠深三日雨
桃花紅亂一溪煙壟頭放犢看雲坐渡口划舟唱曲還
欲醉村醪何處是布帘搖曳板橋邊

一日如兩日

額粉奩集

卷六

三

憶當少壯時意氣頗橫逸尋春鏡水傍走馬禹陵北珠
翠列兩行笙歌韻洋溢買笑不惜錢黃金恣一擲所交
盡豪貴談宴常接膝無何嬰屨閉戶遂嬾出讀書已
不成學仙苦無術絕意爲詩文晴窗時弄筆著書遂等
身作詩乃盈尺聊以娛心神非敢與古匹去年疾瀕危
自顧此生畢豈知皇天慈畱此頑鈍物從今百事廢息
心究禪律空齋一團蒲晏坐每至夕旣謝外物牽復寡
內憂逼旨哉坡公言一日如兩日

若活七十年

自我噩病後世事耳不聞日惟處一室亦不出柴荆種

竹一萬竿綠天榜其門養魚數千頭何必設釣綸牀頭
無別物一瓮梨花醇案頭少書冊幾卷貝葉文奚童煮
茗罷花藥勤鋤耘花徑十三曲雜蒔何紛紜種樹十年
計種花只數旬每當春雨過紅紫開芳芬先生梵課餘
繞花日數巡時禽與蜂蝶翻飛動成羣旣無車馬客兼
少催租人我年三十七已往皆因循從今未來日率以
兩日論若活七十年尚有六四春

卽事

夾衣纔著體安舒輕暖輕寒三月初池草綠添朝霽後
林花紅點晚春餘山家循例供新茗舟客乘閒齎古書
額粉奩集卷六四
一炷爐香清課罷石闌斜倚看遊魚

寄鮑覺生督學湖北

多愧郎君晉謁時未能倒屣訴相思敬掄風度應如父
蘇瓌文章已有兒江漢春波夔子國鷓鴣秋雨竹王祠
仲宣樓畔衡文暇定聽猿啼念故知

蔣心餘太史大獅子圖

金精鐵額尾如斗羣鬼見之顛沛走畫者自具精進身
虛堂白晝聞聲吼飲酣磨墨一筆支大氣入紙靈光馳
吹毛不畏釋迦佛昂首似服文殊師山人見之大歡喜
不覺勃焉偏袒起談禪欲坐僧迦彼

偕雲壑柳湖茗玉周蘭雪夫人集湖上

春光滿眼興佳哉共向湖中把一杯嵐翠撲人山雨過
櫂聲穿岸柳風來花如解語客先醉詩不能吟鳥替催
如此良辰如此樂那禁笑口對君開

贈曹仙耨丈

前輩風流在先生妙剪裁老猶耽著述語每雜詆諧山
水情偏切功名念早灰何時供杯酌杖履共追陪

孫爝溪丈招集壽松堂看牡丹用杭堇浦先生丁

香花下醉後放歌韻

韶光欲老花漸無餘香掠客猶糝糊朝來欲出苦泥滑
額粉盒集

卷六

五

昨宵風雨檐頭麤東風幾日天氣暖頗聞牡丹蕊漸蘇
名園豈知已盡放清晨執簡蒙招呼竭來鋪席花下飲
如澆之酒不用酤牡丹上下倚山石姚黃魏紫爭開敷
豔色照眼映屋角濃香撲鼻來庭隅明姿豔態媚筵席
游峰戲蝶穿根株窈窕應爲初日映的皪却因朝露濡
樽前一飲欲起舞仿弗勸酒來吳姝今朝對花擬爛醉
會須倒盡白玉壺酒酣相與遞酬唱不用琴瑟筆琶等
人生如此信可樂何必佛國兼仙都可惜春景已去盡
東皇未可畱須與名花相賞固不厭明日更擬來于于

縱教今夜風雨妬豈遂顏色成焦枯夕陽欲落新月上

花影零落侵衣襦逸馬莫試邵雍卜申紙欲囑黃荃圖
詩成相與博一粲步韻還倩諸公俱

送春次蘭雪夫人韻

放艇西湖始挾旬眼前畱得不多春纔欣絲竹連朝盛
已過鶯花一番新客況有詩兼有酒風懷如夢更如塵
蓬萊果有長春在願作餐霞辟穀人

元作附

周毓璋

憶賦嬉游未涉旬無端已是欲歸春湘簾捲處含愁
重羅帕裁來索句新落盡楊花風似剪飛慵燕子雨
成塵韶光轉眼虛陳迹緘取瑤華寄遠人

額粉盒集

卷六

六

重游韜光盒

憶昔來游已五年今春重又策吟鞭鬚眉綠映千林竹
風雨晴喧百道泉路迥直教衝鳥上鐘寒偏欲出雲傳
羨他老衲渾無事臥聽江聲撼枕邊

小石上人半畝居

丈室蕭閒地欣來戶不扃水搖檐際白山插畫中青茶
熟畱公案詩清寫性靈

時讀上人近作

悠然羣會寂屋角颭風

鈴

李林橋樓外樓題壁

高樓間眺望風趣晚來孤水氣昏成霧鐘聲響過湖歸

舟衝岸去宿鳥入林呼不覺清幽甚隣家酒欲沽

爲蘭雪夫人題碧梧夫人畫冊

寫人貴寫神寫蘭貴寫韻離披分後先婀娜含蒼勁一

叢湘渚花千古纍臣恨

蘭

青蛟矯睛空頭戴太古雪刺多攀未能藥小香偏烈也

擬宴飛英瓊杯浮玉屑

酌醪

牡丹本花王寫照難爲妍世人重顏色莫惜胭脂錢我

欲學坡公落藥牛酥煎

牡丹

清絕佛國花遠從西域進素玉琢花房冰腮含笑暈嘗

記水晶屏夢破香生鬢

茉莉

額粉奩集

卷六

七

憶其泛蘭橈日落秋江晚采采芙蓉花木末何婉變披

圖恍如昨枝上露猶泣

芙蓉

秋菊本高士不稱調鉛粉獨將正色黃媚此霜中景試

將四壁張好繼柴桑隱

菊

慘淡斷腸花翩翻開尚歛豔從疎雨晴色借涼煙染仿

彿秋風生幾柔牆陰飈

秋海棠

一叢生石畔亂葉何脩脩疎莖挺繁萼色作密合幽間

名說宜男日對堪忘憂

萱

淪茗奩聽雨

蘭缸欲燼睡縹糊隔屋驚聞急點轟三月鶯花春事盡

四更風雨夜窗孤
繁聲雜樹空
堦開清響
撩人短夢無
好似西興同剪燭
滿江寒浪泊
菰蘆

立夏八詠

朱櫻

含桃初濺齒
一點朱唇破
試向掌中擎
火珠瀉个个

青梅

枝畔青如豆
酸中含苦心
輕風一搖盪
墜落粉牆陰

海蠅

野水荒煙岸
緣延何處無
自通呼吸後
椒酒伴春蔬

蠶豆

額粉盒集

卷六

八

禮子已三眠
豆花方一熟
由來布帛功
可以配菽粟

胡餅

薄脆宜夏時
胡麻屑交灑
饒口無庸說
充飢免成畫

烏飯

青如和燭精
黑似墜埃墨
佳遇在藍橋
玄霜恣飽食

火酒

琥珀光初流
珍珠紅欲溢
孟夏醉陶陶
一日似千日

新茶

騎火冒石髮
驚雷茁露芽
試汲虎跑水
一煮龍井茶

觀棋四絕爲武林奕師金玉豐作

晝靜松風落蘸壇
楸枰移近石闌干
若爲悟得乘除語
舉世紛紛敵手難

南風不競理胡然
妙旨須爭一著先
輸却玉塵三萬斛
笑他多事橘中仙

一劫纔消一劫新
子將下處更凝神
局中得失紛難了
爭似旁觀斂手人

萬松嶺外夕陽時
獨立蒼茫有所思
半壁江山陳迹在
趙家亦是著殘棋

江行

西江塘外午風清
穩坐籃輿取次行
小犬入林如避客

額粉奩集

卷六

九

野花浴路不知名
盈盈碧水鷺雙浴
漠漠平田人耦耕
不是避喧紆道過

時制軍渡江避之

何因領取此幽情

棨枚兩兒游庠勵之以詩

漫將花萼咏蹁躑
立志終宜鐵硯穿
他日泥金徵豔事
也須同步大羅天

欲占鰲頭未有因
眼前幾度玉堂春
老夫一領青衫舊
要看宮袍著後人

田園雜詩

守拙無所營
因以歸田園
田園亦復佳
幽僻離塵喧
時當孟夏初
生物浩以繁
鄰曲時過從
拉雜羅酒尊
上言

蕃稼穡下言長雞豚醉來或長歌手拍老瓦盆新筍雖
云薄風俗厚且敦爲語市朝子富貴何足論

昨宵微雨歇平田麥油油好風從南來碧浪翻千疇寒
暖苟適時四月會有秋連村餅餌香庶免饑僅憂

相將祀蠶神山花插箕帚劃灰前致詞打鼓醉春酒門
外桑柘林陰陰環十畝裏鹽聘狸奴蘆簾蔽窗牖村娃
行採葉筠籠挽纖手時聞風雨聲生怕蠶飢後曉衝朝
露出夕伴銀燈守初眠及上簇辛苦一月久能有幾絢
絲安得繭如斗

種魚向深淵新雨魚苗長戢戢千百頭成羣唼波上那
額粉盒集

卷六

十

足佐盤餐未可施罟網微風牽藻荇驚人時跳蕩誰謂
我非魚都作漆園想行當辦簑笠小艇煙中盪

青秧若抽針梅雨如散絲綉出幽風圖鄉村五月時農
夫跨桐馬策策行田陞像瓦去角圭兩足疾似馳朝行
徧邱畝暮不煩芻糞但願倉廩富那顧筋力疲不羨輕
薄兒珠絡黃金羈願言服耕稼老農吾其師

瓜蔬盈園圃濃綠一畝竟朝來新甲抽白露何溥溥日
夕勤灌溉棹棹閣淺灘春菘與秋韭採摘供食單卽此
亦俊味何必珍錯餐始知田舍人貌苦心自歡

門前何所有好山若圍屏屋後何所有老樹十丈青架

上何所有茗椀及酒瓶案中何所有花史與梵經目不
觀世事耳只聞鳥聲煙雲與水竹聊以永此生一枕清
風來自謂無懷民

苦熱望雨不得

癡龍捲雨江底臥赤日曛曛頭上大暑如酷吏語非過
十日真教甕中坐阿香傍晚推雷車準擬今夕雨似麻
忽然雲散風沙沙半鉤月上紅薇花

食瓜

三伏暑方熾赫赫炎曦陽熱坐疑甕中流汗欲濕裳既
少犀辟暑又無珠招涼吟吻渴欲死療之愁無方幸有
額粉盒集

卷六

七

一元散甘美比瓊漿不惜百錢買濃綠堆筠筐浸以井
華水霜刃亟剖嘗冷若餐沆瀣如飲金莖旁爽若生清
風不待披襟當愛茲清涼物滌我冰雪腸不覺四體舒
酷烈倏已忘翛然北窗臥可以傲羲皇

荷花行

荷葉田田青覆水偃仰扶疎擎素蕊游魚隨意戲東西
青禽欲下還飛起誰把醇醪醉白荷胭脂染透玉容醅
耶溪多少採蓮女花葉叢中發棹歌

再疊前韻

百傾琉璃天映水湘波織就千花蕊迎風有意開紅粧

弱葉情多扶不起豈是濂溪愛種荷最憐晚照鬪顏酡
憑闌盡日看無厭寫入秋江蓮子歌

綠天坐雨

一徑叢篁帶女牆吟風弄雨舞斜陽客來三伏不知暑
衣上綠陰如水涼

垂柳芭蕉傍砌栽水邊亭子小徘徊隔簾驚打花奴鼓
萬點荷聲雨忽來

兩來益覺興飛騰特地新涼滿座增今日眞疑超淨域
絕勝赤脚踏層冰

何半餘示九懷詩格頗新戲效其體得五首

額粉奩集

卷六

三

梁山舟學士

家世紛紛盡青紫第望蕭曹五雲裏掉頭不樂居朝市
揮手淨名等脫屣伊何人家居仙黃金地翰墨天不翁
大自在侔勒宜同龕一枝大筆如修椽平生謝客門蕭
肅後輩優容惟我獨持贈名聯解舊愁公近書香山自
靜其心延壽命
無求於物長情
神句以解病愁吟成好句翻新曲公和余自輓
詩語最達翻新曲
解舊愁欲拭額上粉來撐山中舟深禪妙義同搜求

孫淵如觀察

浙東二月吹春風成蹊桃李綠溪紅有蘭歷亂生荆中
美人一見披蒙茸舊門牆新雨露知己詩感遇賦健筆

走龍蛇雄談愜心素文酒流連不知數扁舟一棹忽何
之皓月禪心空自知十載瓣香心暗祝幾番顏色夢頻
思夢頻思心暗祝舊雨話離離晨星看落落天鏡空懸
叢山閣

洪穉存太史

馬蹄踏碎天山雪塞外朔風吹面裂荷戈萬里來西極
冷骨一腔堯熱血雲深深夢金鑾目渺渺望玉關牀頭
魑魅笑頸上刀光寒豈知百日能生還酒酣執手錢江
渡廿載相思一朝露纔臥家鄉命卽休轉思雪窖魂消
處魂消處命卽休何如戍沙漠猶得通塞修吁嗟一面
額粉奩集

卷六

三

成千秋

朱意園太守

江南水綠生迴波流絲脆管清愁多夢入長洲苑裏過
西施微笑添梨渦短簿祠生公石鶴市煙虎邱跡五馬
任游行題詩徧蒼壁太守風流繼蘇白蓬萊小謫愧微
之似爾才眞替左司盼望佳期但延佇碧雲暮合長相
思長相思但延佇甚欲買扁舟乘流訪君去醉聽吳娘
歌白紵

陸春堯孝廉

憶昔餘奩夜中起說鬼萬言何妮妮鬼伯欲來堂下戲

一點佛燈小於米南塘南草芊芊自別來今幾年著書
空等身舊物餘青瓊翻然更著長安鞭長安世情如反
掌故人強半青雲上平生壯志空蹉跎回首故園增悵
悵增悵悵空蹉跎高咏招隱篇和汝歸來歌相約煙江
理釣簑

自笑

天闕溪藤近十年雲煙揮灑類張顛病來不廢臨池癖
新把盃名署綠天

被中畫肚醉狂呼三日椎胸亦太愚堪笑書生真計短
從人辛苦作書奴

額粉盃集

卷六

十四

一觀劍器聽江聲便覺朝來筆法精始信前賢以神會
漫勞秃管積成瑩

罔想千秋托麝煤雞毛三寸力先頽男兒空有如猿臂
不向南山射虎來

穎道人歌寄笠舫

穎道人瘦且清前生本是如來身偶然謫世間直思濟
黎民少時誦詩書便擬登承明風流慕元白學行繼朱
程百家經史及說部盡棄糟粕存精神有疑必剖析舍
華挾其英文文章思欲成一代力拔牛尾屠長鯨其奈生
也受氣素孱弱一朝臥疾成伶俜無乃是邢子吟秋讀

書用意苦無乃是楊情見像慟哭嘔數升我觀世人熙
熙穰穰爭名奪利苦不已不如安然就木逸死勝勞生
豈知上天不欲召賦手下泉不肯讓修文鬼伯椰榆包
老笑看渠散材擁腫何所施技能從此高屐齒濶衣襟
朝看赤城瀑暮宿黃海雲六朝山色腕下走五嶽奇氣
胷中橫三杯催花發一笑喝月行次公意氣雖醒狂亦
頗白眼不識公與卿指張湯爲小吏呼桓溫作老兵絕
口不道世事掩耳惡聞俗聲世人不知毀且忌道人視
等鴻毛輕汝曹曹蜍李志不鳴不躍徒爲耳其餘鼠輩
烏足云一笑咸置之吾交古之人開卷卽駢集不勞車

額粉奩集

卷六

五

馬迎古今上下數千載其中名人高士朝夕常相親性
不嗜飲酒一斗墨汁如飲醇性不好美色三春豔麗娛
花鶯惟耽邱壑志大畫寫圍屏又好臨池癖小楷書佛
經八义七步俱不怕只愁出句光芒萬丈搖斗星賦如
齊諧堪錯愕策如蜀道排崢嶸文如江海涵萬物詩如
金石相鏗鉤其搜元精斲元氣坐令造化無遁形盡將
李杜韓蘇之魂魄驅向毫端泯跡痕穎道人爾胡不草
檄馳八溟盾頭磨墨風泠泠銅柱上勒燕然銘又胡不
作賦驚蜀人金蓮華炬送翰林中禁才子呼詞臣既不
能如柳誠懸筆諫揚殿廷又不能如李青蓮調譜沉香

亭徒然攜囊浮峰頂大聲吟與天公聽泛舟鑑水曲浩
歌驚起蛟龍腥古鬼夜哭山魅吟懼爾奪盡千秋名噫
噫乎穎道人吾語汝願汝聞撈腸三萬卷不如不識丁
研朱滴露惜寸陰不如靜觀跌坐忘朝昏發泄祕籥上
帝怒徒事酒食庸福存我今憐汝賜汝訣暫皈清淨守
空門左阿羅右應真參以文殊精進之心法脩以普門
圓通之耳根居以維摩示疾之丈室伴以散花天女之
娉婷懺除綺語歸真宰盡燒文字存空靈儒非儒僧非
僧一任狡獪游戲三千齡大書一紙寄方平

八月初五同人永勝齋晚讌

額粉盒集

卷六

六

拂簟剛攤飯寒帷喚訪僧路穿苗翼翼波映樹層層話
乏三生訂人宜七逸稱米家書載舫阮氏酒爲朋旛擁
千蓮座樓明八寶燈蕉香沉夢蝶貝淨絕癡蠅塵慮無
由擾幽棲得未曾日長棋劫換爐熱妙香升揮羽疑招
鶴分瓜恍飲冰軒窗凌碧沼巒岫抱芳塍酒陣堅難破
詩城敵未能白餐八竅藕紅剝四歧菱殼盛偏難強涼
多轉不勝開門迷竹籐綠砌蔓花藤覓句參微旨談禪
悟上乘屢傾清茗沃閒選曲欄憑梧恰秋期墮煙連暮
靄凝平蕪休牧笛遠浦散魚鱗送聽鐘三疊歸看月半
稜夜游良有以秉燭莫嫌增

中秋夜西小江泛月同茗玉主人棹枚兩兒
煙散江空霽景澄青天飛上一函冰秋深樹似將髣髴
夜靜山如入定僧隔舫囂騰喧酒客荒蘆明滅閃漁燈
全家便作浮家住我笠君簑兒掛骨

烏啞啞

烏啞啞傷老烏毛羽未全尾畢逋老烏攫食去豈料罹
虞羅形摧影絕悲兩雛兩雛尚黃口翅不能飛但株守
田中有稻粟在倉日暮飢腸作雷吼衆鳥覩之皆遠飛
唇乾力盡聲酸嘶啞啞爾勿啼我但哺兒思汝飢

不見桂堂先生六年矣今秋聞有游杭之約感舊

額粉盒集

卷六

七

述懷得十絕句却寄

流光瞬息六年強越水吳淞道路長記否當時分袂處
夜深霜月送歸航

元龍湖海氣原道聞說年來劇愛游三十六鱗無覓處
秋風吹夢古杭州

每遇朋儕寄訊頻豈緣書札有沉淪怪他滾滾勞薪內
或爲洪喬作替人

短簿祠前春水生畫船啞軋此中行吳王苑裏花千樹
一笑爭將醉守迎

一曲梅湖放棹過曾前小史眼橫波李生零落方郎老

誰聽瀟瀟暮雨歌

謂麗卿曼人雨歌者

流觴曲水幾沿洄相約陳王

寶庠笠舫

把酒杯上已花朝輒

相憶何年重到叢山來

謝客都緣懶應酬龍蛇筆底有千秋書傭老去爲書隱

苦被陳元鵬白頭

元方才識抵璠璣愧我癡兒簡練疎誰料辦香衣鉢在

探芹同是浴沂初

長公泰蛟與兩兒同以今春入泮

非關偷嬾渡江遲一病吟腰瘦不支爲報藥爐禪榻畔

新來已覺鬢添絲

病中無事可消磨其奈子雲書法何尺牘肯頒三十紙

額粉奩集

卷六

六

不須七發起沉疴

南湖晚眺

暮色蒼然自遠還夕陽猶在嶺頭殷鴉聲似雨爭歸樹

湖氣如煙漸沒山待月好沽村釀飲打鐘忽見寺門關

意行踏遍南塘路更擬來朝翠岫攀

對菊寄意園

幾盆秋色傍欄邊開過重陽節倍堅瘦影慣描明燭候

寒香深護欲霜天清樽伴我偏宜醉好月畱人正未眠

移贈最憐陶令意高風從此憶年年

登望海亭

一望空亭萬象收
蒼涼景物豁吟眸
重重巒岫含青靄
葉葉帆檣起白鷗
鐘渡寒煙江寺晚
潮回極浦海門秋
當年霸業今何在
千古空傳種蠡謀

贈鄔雪舫

獨居苦寡聞
集益思好友
夙慕雪舫子
便便屹才藪
久

欲與之交自顧愧
矇矓前年賜瑤華
正值病魔糾
况復

下里吟難續
陽春後去春君寄三十述
懷詩余因病未和今秋邀太虛南

同訪無已叟寶肩輿偶過從
柴扉試一叩
主人喜客來

開戶握雙手
覩面卽歡呼
問名益親厚
數載相思殷一

朝積念剖翼日亟
顧我清談直至酉
熒燈照昏黃
西風

額粉奩集卷六 九

吹戶牖舉杯寫懷抱
論詩相擊掇更復吐珠璣
朗誦不

絕口七言凌杜韓
五字駕韋柳手累十二棋
胸羅廿八

宿衝天學劍飛踞地
作獅吼如入五都市
絢繡目爲葩

如入瑯環洞瑰奇恣
騰蹂不顧星斗驚
直使魑魅走陋

彼撼樹者硜硜或拘
守竟欲名小家
輒思傳不朽寧知

未轉瞬已不識誰某
卓犖如君才天生
定不偶吾越多

詩人屈指今僅有
執耳推仲宣笈公道持論久
何期瑜

亮生竟爲齊楚耦
喜君一夕談何止
銘座右相期必千

古勉矣斯荷負
繫余嬾未學
自比塗雅醜敢期籠碧紗

行當覆醬瓿以之方
君詩西施與嫫母
翻勞獎語推喜

極還增忸而今與君交志氣定抖擻欲作二舫行各分才一斗

宿南湖館舍聞大善寺鐘聲

月黑孤燈明冷鐘敲夢破微聞殘漏聲遙響兩相和萬籟寂不動與坐神悠悠不見考亭子此心若難畱

夜發青田河

河流活活送輕舟靜掩篷窗擁敝裘風急波濤生枕底夜深星斗落船頭近聞犬吠知村店遠聽更聲認戍樓殘夢未成天已曙雄山千仞翠煙浮

望野

額粉盒集

卷六

三

籬邊稻擁農舍橋外簾挑酒家漁子打魚何處鳴榔聲隔蘆花

東郭頻伽

曾讀靈芬館裏詩七年西望劇相思生難共地因天妬才可名山被世知大白浮來消積慮小紅攜得教新詞蛾眉一任傷謠詠未肯時粧與俗宜

新詞遠寄越王城

承惠鐵餘綺語

千里神交蓋未傾得見那須

論晚晚能傳何必定科名他時耐宴誰賓主此日文章有弟兄

令弟丹叔亦善詩

便擬訪君同浪跡世人應笑兩狂生

題羅兩峰鬼戲圖

人生未及死何由識鬼狀縱有嘯於梁亦以空結想何
哉維揚兩峰叟偏爾一生工畫鬼叶似向泥犁親見來

變相奇形無不有偶然弄筆作游戲滿紙淨穉羅衆醜

大鬼中坐稱鬼雄鬚髯張生陰風更二鬼坐西與東

冠蓋相望鬼僕從其餘衆鬼作鬼戲各趁鬼長呈鬼技

鳴銅鈺擊鼙鼓來登傀儡場齊作都盧舞或揚旗執拂

或挺戈負弩如凜號令嚴排立分隊伍或踏蹶躑或蹴

踟或旋仄盤車昌遮切轉飛轂脚尖柱起百步梯頭頂撐

將數仞木雙環躍出訝飛猿一線騰空驚走索餘鬼觀

者踉蹌來咋舌張眉形骸觶大鬼顧盼何揚揚鬼進一

額粉盒集

卷六

三

技酒一觴叱咤羣鬼莫敢抗得非晉之周凱楚項梁小
鬼赤身不冠服短髮鬚髯跣雙足計共一百二十有一
鬼貌戒雷同無一復鬪鼻鰓顏凸頭深目雞嘴犬耳虎
面犢鬣人言可憎信有之如此面目眞足嗤不知先生
何從得此貌下筆乃爾奇若斯我聞鄴都山前陰雨秋
羣鬼夜哭聲啾啾那知鬼境有此樂何不來茲作鬼優
披圖令我成叫絕鬼氣入紙紙欲裂却恐青天霹靂飛
坐使游魂盡消滅

園居十二咏

聽雪山房

山房隱羣木面對遙岑橫每當急雪來碎玉聽琮琤酒
醒八窗拓古帖臨時晴

硯池

一泓漾清淺黯淡含墨痕主人抱書癖滌硯不厭頻不
見王內史池水千秋渾

夢花軒

昌黎夢吞篆寤猶囁胸臆更有王西江滌腸江水碧我
願學文通花開雙不律

藥寮

吾生苦羸弱服餌資小補參苓及著木羅列度兩廡禪

額粉奩集

卷六

三

榻鬢絲旁藥煙飄一縷

無隱方丈

如來金粟身要卽此花是妙香領禪機旨哉晦堂子鼻
觀苟能參吾無隱乎爾

獅石

怪石象獅形窗前立龍從嗟爾百獸王僵立氣猶勇微
風吹薜蘿恍疑牙爪動

額粉奩

維摩素多疾丈室每獨處結習未盡除散花來天女悟
徹有情禪點額眞淨侶

十三花徑

花風廿四番花徑十三曲朱黃兼碧白四季看不足差
勝仲蔚家蓬蒿蔽人目

停琴佇月榭

芳榭闌無人迢迢此良夜攜琴不成彈悄立花陰下翹
首望遙空姮娥晚粧乍

綠天

萬竹蔽天綠白日無晶光時聞解籜聲瑟瑟龍孫長夜
深微雨滴清夢生瀟湘

息龕

額粉盒集卷六
萬物役勞薪擾擾不遑息誰能理無生空龕伴侔勒雲
淨月當天衆續此俱寂

更生齋

漢有劉更生亦李延壽比先生噩病餘萬事皆倡始倘
擬編年詩須從甲子起

次笠舫懸匾有感之作

記得春初別畫橈泥金屢望姓名標轉因西子擧難效
反累王嬌貌失嬌傲骨本來容爾獨狂言何事被人招
名心頓作沾泥絮生恐葫蘆依樣描

偶因多病守禪風豈肯文章讓鉅公夢裏我曾先及第

書來君已後羣雄有肩禮佛香初熟左肘生楊語竟叢
時譚傳有手瘍不殿試之信走馬長安輪捷足一樽看遍杏花紅

拾芥功名取自然此中艱苦類登天裴頭黃尾悲今日

盧後王前感昔年謂余甲子科王師屢薦而盧主司屢抑事弱水雖迴三尺

篋蓬山只隔一重煙由來得失皆前定未肯從人更乞

憐

一枝詩筆總翻新瀟灑襟懷克耐貧東邑絃歌追雅化

南邦文學屬斯人心期那便成潦倒交誼原須貴率真

應有上公知實學山林未許作閒身

嘉平九日雪

額粉奩集

卷六

五

浙浙瀝瀝響枯葉坐久無聲堦已白老松張蓋力猶撐

脩竹垂梢腰已折今年寒遜去年寒去年雪亦今朝雪

化工何來萬剪刀剪出琪花滿空擲橫窗失却千仞峰

下地上天同一色凝成一箇大冰壺不數三山白銀闕

羊羔酒飲太尉家肥姬屏列申王宅先生無物可鬪奇

清興朝來頗蓬勃身著蓑衣頭戴笠探梅去問春消息

默園齋尹擢暨陽明府入 覲把酒言別余八年

至交也因用袁簡齋送尹望山尚書入都韻

新正幾日尚餘寒匹馬朝天肯少安北極雲山行處近

東風花柳路旁看烹鮮小試才原大縣譜無需品自端

爲報暨陽諸父老公然當世有劉寬

早朝應賦大明宮父子銜

恩重極嵩

尊甫輩間先生亦同入觀

上以片言奇卜式士思力學慕文翁

君擬振暨陽古學

到時

燕冀春將半望裏關河雪乍融祖帳筵前齊惜別清江

黎庶未忘公

尊甫循聲徧陝甘趨庭新隔路千三行旌忽漫移山左

臥轍應知滿嶺南手訓不忘攜襪被

君嘗以尊甫手書臣鑒長卷置行篋

綵衣喜得從征驂白雲親舍頻年戀想見途中樂正酣

纔唱驪歌便黯然論交未及十經年幾番倒屣邀清話

屢聽敲門索和箋此別難禁知已淚不才深荷故人憐

額粉盦集卷六

五

離情似草萋難盡翻羨依劉王仲宣

謂笠

額粉盦集卷六終



